



UNIVERSITÄTS-  
BIBLIOTHEK  
PADERBORN

**Sacrarvm Antiqvitatvm Monvmenta**

**Hillesheim, Ludwig**

**Antverpiæ, 1577**

David.

---

[urn:nbn:de:hbz:466:1-68887](#)



Pinguia ceu grato fragrant opobalsama succo,  
Sparsa vel in sanctos thurea grana focos:

Tam

Tam sacer Isaides diuinum spirat odorem,  
 Non secus ac summo victimam grata Deo.  
 Pene puer vastum miranda cæde gigantem  
   Struit, & imbelli gloria parta manu est.  
 Effugit & furias infesti regis & iras,  
   Altior atque magis quo premeretur erat.  
 Auspice nam caelo delectum regna maneabant,  
   Regna Sioneis conspicienda iugis.  
 Gentibus unde salus quondam foret una futuris,  
   Isaide soboles germine mixta Dei.  
 Cernimus agnorum custodi regna parari:  
   Infima nam tollit, deprimit alta Deus.  
 Fœdera sic superum, promissaq; pacta mereris,  
   Gratia virtuti tanta relata tua est.  
 Nam tua seu lato veheretur gloria curru,  
   Seu foret indignis sors miseranda malis;  
 Omnis erat defixa Deo fiducia rerum,  
   Et mens in summum religiosa Deum.  
 Te quoque pangentem sacrato carmina plectro,  
   Imbuit excelsi plenior aura Dei.  
 Et pater ipse pias solatus ab æthere mentes,  
   Voce tua, terris nobile liquit opus.  
 Hæc omnis series sublimibus alta figuris,  
   Aeterna rerum mystica facta fide est.  
 Qmnia nam magni referuntur imagine Christi,  
   Hic verum signo clarius exstat opus.  
 Quisquis es, aeternum gratus venerare parentem:  
   Sic Deus, & celum seruiet omne tibi.

1. Reg. 17.

1. Reg. 19,  
20, 21, 22, 23,  
24, 25, 27.

2. Reg. 2.